

432

7

全


胎產集要

重刻胎產集要序

黃子惕齋胎產集要一書深得天地
生養自然之理其自懷胎以至胎產
洎產後調攝無不具有良方誠集諸
家之精要刪繁就簡俾閱者開卷瞭
然余家藏之二十餘年矣凡遇胎產
患以此書為主無不應手取效絕無

危險每見世之不達其理者一朝臨
產張皇莫措生死懸乎呼吸之間深
可憫也爰取是書重梓而行之以廣
黃子纂集婆心將引姪婦同登壽
域也夫是為序

乾隆四十七年歲次壬寅嘉平月
阮望過亭吳爵并書



胎產集要上卷

增訂達生編

沈枵香

臨產六字真言

橫生

倒生

偏產

礙產

坐產

盤腸產

凍產

熱產

驚產

胞破產難

血滯產難

臨產暈絕

交骨不開

胎死腹中

胞衣不下

臨產宜忌

紫酒

保產無憂方

佛手散

加味芎歸湯

又加味芎歸湯

催生神柞飲

又方急救交骨不開

臨期上卷

鶴湖黃惕齋輯

達生編

六字真言 睡 忍痛 漫臨盆

初覺腹痛自己先立定主意生育乃自然之理天地間極容易事不必驚慌但看痛一陣不住連痛三五七陣漸痛漸緊知是大產方與人說知以便伺候若痛得慢此爲試胎且自安眠穩食寬心靜養此時是最要緊關頭不可認錯如兒身未轉胞漿未破卽便坐草臨盆豈不有悞慎之慎之

臨期第一要忍痛不問試胎與正產忍住痛照常眠
食痛陣漸急自然易生看其緊慢方辨得清千萬
不可輕易臨盆至囑至囑或問忍痛過久恐有不
妙曰最妙從未聞有私胎而難產者蓋私胎怕人
知覺只得極力忍痛忍到沒奈何時于自脫然而
下此理甚明有何疑慮

將產時須要調養心神愛惜力氣若能上牀閉目安
睡片時最好若不能睡暫時起身或扶人緩行或
扶桌站立痛若稍緩又上牀安睡總以睡爲第一
妙法但宜仰睡使腹中寬舒小兒易於轉動且大

人睡下小兒亦睡下轉身更不費力

將產時切不可輕易臨盆倘若聽信穩婆說孩兒頭已在此以致用力太早誤盡大事此乃天地自然之理若當其時小兒自會鑽出何須著急從來瓜熟蒂落水到渠成自然而然不待勉強及至生下卽產母亦不知其所以然也

或謂大便亦須用力如何生產不須用力要知大便是呆物必須人力小兒自會運動不但必用力卻又切忌用力蓋小兒在母腹中要聽其慢慢轉身尋到產門頭向下腳向上倒懸而出若小兒未

曾轉身用力一逼則腳先出轉身未定時用力一逼則橫臥腹中一手先出卽或轉身向下生路未正用力畧早亦偏在一邊不得出種種弊病皆是時候未到誤於用力之故卽如大便未到糞門縱然用力亦不能出面況於生產乎

或問如何方是用力之時答曰若小兒逼到產門則產母交骨分開胸中陷下腰腹重墜異常大小便一齊俱急目中金花亂閃眞其時矣當於此時用力一逆小兒誕生便稱恭喜矣

或曰早一時斷不可動矣不知遲了一時可不妨否

荅曰不妨若果當其時必無不出之理卽或有不
出者此是小兒力乏不能卽出但令產婦上牀安
睡使小兒在腹中亦得安睡歇力片刻自然生矣
或問臨期有經驗丸丹亦可用否曰不用大凡生產
自有時候時至自生何消用藥未到時候切不可
早用催藥強其速生使兒不能轉胞反致橫生倒
生如欲服藥須待腰腹痛急胞水與血俱下真正
是將產時候始可用藥順勢推之藥亦只須用加
味芎歸湯佛手散蓋胎前要血足血一足如舟得
水何患不行特恐產母血少又或胞漿早破以致

乾涸耳今二方俱大用芎歸使宿血頓去新血驟
生隨手見效且使產時快便則產後無病其餘耗
氣損血等藥雖極靈應總之無益 昔陳氏妻生
產九日不下僅存一息叩醫求免腦丸問之曰頭
逼產門不得出醫令安臥卽與加味芎歸湯明日
生下母子兩全設與催藥反或有悞按此係產母
用力太早逼令橫在腹中耳豈有倒懸十日而尚
得生者乎

或曰穩婆總究該用否曰既有此輩亦不可不用但
要全憑自家作主不可聽命於彼耳大抵此等人

多愚蠢不明道理一進門來不問遲早便令坐草
用力必定說孩兒頭已在此或揉腰擦肚或手入
產門探摸多致損命更有狡惡之輩不肯安靜故
作哎訝之聲以逞其能欲索重謝以致產母驚疑
害尤不可言矣按吳越間謂之穩婆江淮間謂之
收生婆徽寧間謂之接生婆因其年老慣熟使之
接兒落地收兒上牀耳原非要他動手也每見富
貴之家預將穩婆畱住及到臨時稍不快便前門
後戶引到無數紛紛攘攘鬧成一片所謂天下本
無事庸人自擾之 昔張氏妻年輕體壯每孕必

八個月而產每產必數日而下生女必週而歿一
醫曰日後臨產可相聞明年又八個月而產三日
不下僅存殘喘忽憶醫言飛輿相召診之脈未離
經穩婆在旁曰兒頭已抵產門不得出耳醫急令
安臥且戒勿擾與安胎藥明晨主人出謝醫曰夜
來若何主人曰想是試胎今已安好後百二十日
計十二月足生男且少病多壽始知從前皆生生
取出因產婦體壯年輕幸得保全性命耳

或曰催藥不可亂投穩婆不可輕信已聞教矣若先
時悞於用力以致橫生倒產奈何曰急令安睡用

大劑加味芎歸湯服之畧用手法自然生矣

橫生者因兒身方轉產母用力太早以致兒身未順先露手臂但令母仰臥穩婆以手徐推兒臂令上復以中指摸其肩勿使臍帶絆繫待兒身轉頭正卽生

倒生者因兒未及轉身產母努力一逆故先露足亦令

母仰臥穩婆以手徐推足入靜候片時俟兒身轉正近門卽生 但見兒手足畧有出意卽令母寬心仰臥輕輕送入勿令多出蓋出少則易入未久則易入如出多而久則手足青硬子必受傷難以扶入又切不可聽兇惡穩婆用刀斷兒手足手足一斷則必亂

攪腹中兩命俱傷矣 昔一產婦兒手出不得入穩
婆礪刃以須醫見而惻然急令安臥與大劑芎歸湯
徐徐托之手入明早生下母子皆安右臂紫黑數月
始消 有以鹽半分塗小兒手心以香油抹之輕輕
推入蓋鹽主收縮且螫人痛兒手得鹽痛則縮進自
然轉身生下足先出者亦如之

偏產者因兒生路未正被母用力一逼兒偏在左右不
得下令母仰臥穩婆輕手扶兒頭頂中正卽生 又
有兒頂後骨偏住穀道旁露其額者穩婆以綿衣烘
溫裹手於穀道外邊輕輕推兒頭令正卽生

礙產者因兒轉身時母用力太早臍帶絆其肩也令母
仰臥穩婆輕輕推兒向上以中指輕按兒肩撥下臍
帶候兒正順卽生

四種難產總由產母曲腰坐臥用力太早所致四
種手法必歷練有分曉者方可用之切勿輕試

坐產者因兒將產其母疲倦久坐椅褥抵其生路須用
手巾一條拴繫高處令母以手攀之輕輕屈足作坐
狀產戶舒開兒卽生下

盤腸產者因產母平日氣虛及臨產時用力努掙周身
氣血下注以致腸隨兒下一次如此下次路熟亦必

如此治法急以潔淨漆器盛之待兒胞衣俱下產母仰臥自己吸氣上升穩婆以香油塗手徐徐送入

又法以生半夏爲末搐鼻中其腸自上 又法以醋一盞水七分調和喫產母面每喫一縮三喫盡收

又法濃煎黃芪湯浸之卽上

或問橫生倒產此皆用力太早之故世間亦有未曾用力而多難產者何也答曰或因母體本弱血氣虛損胎衣不足或因母病傷寒之後熱毒傷胎亦或孕後不戒房事以致慾火傷胎又或多食椒姜煎炒等物熱毒傷胎以及跌撲損傷等症皆致產難藥用加